

Plius seruus seruorum dei. Dilectis filiis Salzebur:

gentis et Patauiensis ecclesiarum prepositis Salutem et apostolicam benedictionem Dudum siquidem postq̃ pie memorie Innocentius Papa octauus predecessor noster certum indultum vscendi lacticijs videlicet Butiro lacte et caseo certis temporibus quibus illorum vsus erat interdictus per bone memorie Bartholomeum Episcopū Ciuitatis castelli tunc in partibus illis apostolice sedis nunciū cum potestate legati de latere incolis et habitatoribus prouincie Bauarie concessum / confirmauerat. Et sub certis modo ⁊ forma apostolica auctoritate extenderat et ampliauerat. Et etiam ad tollendum quedam dubia per suas certi tenoris litteras declarauerat Ratisponi. et Eysteteſi. ecclesiarum prepositis ac Officiali frisingensi. Executoribus deputatis felicitis recordatiōis Alexander papa sextus etiam predecessor noster cū ipsi incole et habitatores dubitarent effectu dictarū litterarum ex eo frustari. Quia ille infra tempus debitum dictis executoribus presentate non fuerant per quasdam suas litteras certi tenoris eisdem executoribus cōmisit et mandauit / quatinus ad executiōem earundē litterarū Innocentiū predecessoris procederent ac processus de super oportunos decernerēt ac alia facerent prout in eiusdem Alexander predecessoris litteris plenius continetur. Cum autem sicut exhibita nobis nuper pro parte incolarū ⁊ habitatorū predictorū petitio cōtinebat. Ipsi pro earundē litterarum executione / propter longam distantiam et itineris longinquitatē et alia impedimenta legitima sine magno dispendio ad dictos Executores cōmode non valeant accedere Pro parte eorundē incolarū et habitatorū nobis fuit humiliter supplicatū vt eis super hijs oportune providere paterna diligentia curaremus Quo circa discretiōi vestre per apostolica scripta mandamus / quatin⁹ si est ita / vos ad dictarū litterarum executionē in omnibus et per omnia illarū forma seruata procedatis. perinde ac si ille vobis directe fuissent / Datum Rome apud sanctum Petrum Anno incarnationis dominice Millesimo quingentesimo tercio kalendis Januarij. pontificatus nostri Anno primo.

A. 1503.

Collatio nra et auctoritate est her pndropia p me Sigismund Hagmüller
apthca aucte publicq notariū et comodat cum suo Originali

230